



萬首唐人絕句卷第七十一

七言一百首

獄中聞駕幸長安二首

沈佺期

五首

傳聞聖旨向神京
誰念羈囚滯洛城
扈從由來是方朔
爲申冤氣在長平

無事今朝來下獄
誰期十月見橫河
君看鷹隼俱罷擊
爲報蜘蛛收網羅

奉和幸韋嗣立莊

東山朝日翠屏開
北闕晴空綵仗來
喜遇天文七曜動
少微今夜入三台

夜宴安樂公主宅

濯龍門外主家親，鳴鳳樓中天上人。
自有金杯迎甲夜，還將綺席代陽春。

餞唐永昌

洛陽舊有神明宰，輦轂由來天地中。
餘邑政成何足貴，因君取則四方同。

駕幸新豐溫泉三首 上官昭容

三冬季月景龍年，萬乘觀風出灞川。
遙看電躍金爲馬，迥矚霜原玉作田。

鸞旗掣曳拂空回，羽騎驂驪躡景來。
隱隱驪山雲外

聳迢迢御帳日邊開

翠幕朱帷敞月營，金罍玉笋泛蘭英。
歲歲年年常扈蹕，長久久樂承平。

和聖製幸韋嗣立莊 劉憲 二首

非吏非隱晉尚書，一丘一壑降乘輿。
天藻緣情兩曜合，山巵獻壽萬年餘。

賦袞襖

桃花欲落梅條長，沙頭水上足風光。
此時御蹕來游處，願奉年年袞襖觴。

和聖製幸韋嗣立莊 趙彥昭 二首

廊廟心存巖壑中
鑾輿矚在霸城東
逍遙自有蒙莊子
漢主徒言河上公

從宴桃花園

紅萼竟燃春苑曙
粉茸新吐御筵開
長年願奉西王宴
近侍慚無東朔才

奉和幸韋嗣立宅

武平一 三首

鳴鑾奕奕下重樓
羽蓋逍遙向一丘
漢日唯聞白衣寵
唐年更覩赤松游

公主宅夜宴

王孫帝女下仙臺
金榜珠簾入夜開
遽惜瓊筵懽正

洽唯愁銀箭曉相催

餞唐永昌

聞君墨綬出丹墀
雙鳥飛來佇有期
寄謝銅街攀柳日
無忘粉署握蘭時

從宴桃花園

李嶠 三首

歲去無言忽憔悴
時來含笑吐氛氲
不能擁路迷仙客
故欲開蹊待聖君

奉和幸韋嗣立莊

萬騎千官擁帝車
八龍三馬訪仙家
鳳皇原上窺青壁
鸚鵡杯中弄紫霞

奉和遊苑遇雪

散漫祥雲逐聖回，飄飄瑞雪遶天來。
不能落後爭飛絮，故欲迎前定早梅。

長寧公主宅流杯三首 景龍文館學士

沁水田園先自多，齊城樓觀更無過。
倩語張騫莫辛苦，人今從此識天河。

參差碧岫聳蓮花，潺湲綠水瑩金沙。
何須遠訪三山路，而今已到九仙家。

憑高瞰迥足怡心，菌閣桃源不暇尋。
餘雪依林成玉樹，殘雲點岫即瑤岑。

奉和幸寺觀立莊 崔湜 一首

竹逕桃源本出塵，松軒茅棟別驚新。
御蹕何須林下駐，山公不是俗中人。

幸韋嗣立莊 李义 四首

曲榭回廊繞澗幽，飛泉瀆水溢池流。
祗應感發明王夢，遂得邀迎聖主遊。

侍宴桃李園

綺華成蹊遍籞芳，紅英撲地滿庭香。
莫將秋宴傳王母，來比春華奉聖皇。

宴公主宅

牽牛南度象昭回學鳳樓成帝女來平日鵲鸞歌舞
席方宵鸚鵡獻酬杯

餞唐永昌

田郎才貌出咸京
子文華向洛城
願以深心留善
政當令強項謝高名

公主宅夜宴

岑羲一首

金榜重樓開
夜扉瓊筵慶
客未言歸
銜歡不覺銀河
曉盡醉那知玉漏晞

公主宅夜宴

盧藏用一首

侯家主第一時新
上席花年不惜春
珠釭綴月那知

夜玉筍流霞底畏晨

餞唐永昌

徐彥伯一首

金谿碧水玉潭砂
鳧舄翩翩弄日華
鬪雞香陌行春
倦爲摘東園桃李花

公主宅夜宴

李迥秀一首

金榜岩堯雲裏開
玉簫參差天際回
莫驚側弁還歸
路只爲平陽歌舞催

公主宅夜宴

崔日用二首

銀燭金屏坐碧堂
只言河漢動神光
主家盛時歡不
極才子能歌夜未央

餞唐永昌

洛陽桴鼓今不鳴朝野咸推重少平冬至冰霜俱怨
別春來花鳥共為情

公主宅夜宴

蘇頲一首

車如流水馬如龍仙史高臺十二重天上初移衡漢
匹可憐歌舞夜相從

公主宅夜宴

馬懷素二首

鳳樓窈窕凌三襲翠幌玲瓏瞰九衢復道中宵留宴
彌令上客想踟躕

餞唐永昌

聞君出宰洛陽隅賓友稱觴餞路衢別後相思在何
處祗應闕下望仙鳧

公主宅夜宴

韋元旦一首

主第新成銀作榜賓筵廣宴玉為樓壺觴既卜仙人
夜歌舞疑停織女秋

公主宅夜宴

李適二首

銀河半倚鳳凰臺玉酒相傳鸚鵡杯若見君平須借
問仙槎一去幾時來

餞唐永昌

聞道飛鳧向洛陽翩翩矯翮度文昌因聲寄意三花

樹少室巖前幾過香

公主宅夜宴

薛稷 二首

秦樓夜燕月徘徊
妓筵銀燭滿庭開
坐中香氣排花出
扇後歌聲逐酒來

餞唐永昌

河洛風煙壯市朝
送君飛鳧去漸遙
更思明年桃李月
花紅水綠宴浮橋

公主宅夜宴

閻朝隱 二首

鳳凰鳴舞樂昌年
蠟燭花開夜管絃
半醉徐擊珊瑚樹
已聞鐘漏曉聲傳

餞唐永昌

洛陽難理若焚絲
椎破連環定不疑
鸚鵡休言秦地樂
回頭一顧一相思

餞唐永昌

徐堅 一首

郎官出宰赴伊瀍
征傳駸駸灞水前
此時悵望新豐道
握手相看共黯然

代書問費徵君九華事

蕭建 一首

見說九華峰上寺
日宮猶在下方開
其中幽境客難到
請為詩中圖畫來

晴望九華山

楊鴻 一首

九華閒望簇青虛氣象羣峰盡不如
怱悵南朝挂冠
吏無人解向此山居

海棠二首

吳融

太尉園林兩樹春年年奔走探花人
今來獨傍荆山
看回首長安落戰塵

雪綻霞鋪錦水頭占春顏色最風流
若教更近天街
種馬上多逢醉五侯

上鮑大夫

崔子尚一首

行盡江南塞北時無人不誦鮑家詩
東堂桂樹何年
折直至如今少一枝

寄前黃州竇使君

趙嘏一首

池上笙歌寂不聞樓中秋殺碧虛雲
玉壺凝盡重重
淚寄與風流舊使君

木蘭花

李商隱五首

洞庭波冷曉侵雲日日征帆送遠人
幾度木蘭舟上
望不知船是此花身

明神

明神司過豈令寃暗室由來有禍門
莫爲無人欺一
物他時須慮石能言

漢宮

通靈夜醮達清晨承露盤晞甲帳春王母西歸方朔
去更須重見李夫人

五松驛

獨下長亭念過秦五松不見見輿薪只應既斬斯高
後尋被樵人用斧斤

嘉興社日

消渴天涯寄病身臨邛知我是何人今年社日分餘
肉不值陳平又不勻

漁父引二首

李夢符

村寺鐘聲渡遠灘半輪殘月落前山徐徐撥棹却歸

去浪疊朝霞碎錦翻

漁弟漁兄喜到來婆官賽却坐江隈椰榆杓子瘤杯
酒爛煮鱸魚滿案堆

夢仙謠

沈彬一首

玉殿大開從客入金桃爛熟没人偷鳳驚寶扇頻翻
翅龍懼金鞭不轉頭

西山吟

許大一首

自從明府歸仙後出入塵寰直至今不是藏名混時
俗賣柴沽酒要安心

牡丹

唐彥謙一首

青帝於君事分偏穠堆浮艷倚朱門雖然占得笙歌地將甚酬他雨露恩

贈別宣州崔羣相公 杜牧 一首

哀散相逢洛水邊却思同在紫微天盡將舟楫板橋去早晚歸來更濟川

陪呂使君樓上夜看花 段弘古 一首

城上芳園花滿枝城頭太守夜看時為報林中高舉燭感人情思欲題詩

示小弟 呂溫 二首

憶吾未冠賞年華二十年間在咄嗟今來羨汝看花

歲似汝追思昨日花

讀勾踐傳

丈夫可殺不可羞如何送我海西頭更生更聚終須報二十年間死即休

華山游人 毛女正美 一首

曾折松枝為寶櫛又編栗葉代羅襦有時問却秦宮事笑撚仙花望太虛

濟源寒食五首 孟郊 二首

萸萸井上空相憶輓轡索斷無消息酒人皆倚春髮綠病叟獨藏秋髮白

蜜蠶爲主各磨牙咬盡村中萬木花君家甕甕今應
滿五色冬籠甚可誇

哭李丹

生死方知交態存恐將齟齬報幽魂十年同在平原
客更遣何人哭寢門

贈賈島

韓愈二首

孟郊死葬北邙山從此風雲得暫閒世上不教才子
絕更生賈島着人間

贈譯經僧

萬里休言道路賒有誰教汝渡流沙只今中國方多

事不用無端更亂華

襄陽爲盧竇紀事二首

元稹

帝下真符召玉真偶逢游子暫相親素書三卷留爲
贈從向人間說向人

花枝臨水復臨堤閒照江流亦照泥千萬春風好擡
舉夜來曾有鳳凰棲

漢上偶題

李涉一首

謫仙唐世游茲郡花下聽歌醉眼迷今日漢江煙樹
盡更無人唱白銅鞮

題杭州樟亭驛

章孝標一首

樟亭驛上題詩客一半尋為山下塵世事日隨流水
去紅花還似白頭人

添聲楊柳枝詞

裴誠 一首

思量大是惡姻緣只得相看不不得憐願作琵琶槽那
畔美人長抱在曾前

收襄陽城二首

戎昱

悲風慘慘雨脩脩峴北山低草木愁暗發前軍連夜
戰平明旌旆入襄州

五雲飛將擁霜戈百里僵屍滿盡河日暮歸來看劍
血將軍却恨殺人多

戲張道人不飲酒

顏蕘 一首

言自雲山訪我來每聞竒祕覺叨陪吾師不飲人間
酒應待流霞卽舉杯

白菊三首

司空圖 十一首

不疑陶令是狂生作賦其如有定情猶勝江南隱居
士詩魔終嬾負孤名

自古詩人少顯榮逃名何用更題名詩中有慮猶須
戒莫向詩中著不平

登高可美少年場白菊堆邊鬢似霜不筭更希沾上
藥今朝第七重陽

漫書

樂退安貧知是分成家報國亦何慚到還僧院心期
在瑟瑟澄鮮百丈潭

雜題二首

碁局長携上釣船殺中碁殺勝絲牽洪鑪任鑄千鈞
鼎只在磻溪一縷懸

曉鏡高窻氣象深自憐清格笑塵心世間不爲蛾眉
悞海上方應鶴背吟

杏花

詩家偏爲此傷情品韻由來莫與爭解笑亦應兼解

語只應慵語倩鶯聲

楊柳枝二首

陶家五柳簇衡門還

高情愛此

更添詩境

好新蟬欹枕每先聞

數枝珍重蘸滄浪無限塵心暫免忙

暑若和煙露

裛便同佛手灑清涼

修史亭二首

少年已慣擲年光時節催驅獨不忙今日無疑亦無
病前程無事擾醫王

籬落輕寒整頓新雪晴屣步會諸鄰自從南至歌風

頂始見人煙外有人

正月七日立春

羅隱 八首

一二三四五六七萬物生芽是今日遠天歸鴈拂雲
飛近水遊魚迸冰出

春風

也知有意吹噓切爭奈人間善惡分但是糝糠微細
物等閒擡舉到青雲

杏花

暖氣潛催次第春梅花已謝杏花新半開半落閒園
裏何異榮枯世上人

中秋不見月

風簾淅淅漏燈痕一半秋光此夕分天爲素娥孀怨
苦併教西北起浮雲

感弄猴人賜朱紱

十二三年就試期五湖煙月奈相違何如買取猢猻
弄一笑君王便着緋

鎮海軍所貢

筵前飛雪扇前塵千里移添上苑春他日丁寧柿林
院莫宣恩澤與閒人

席上歌水調

餘聲宛宛拂庭梅通濟渠邊去又回若使煬皇魂魄
在爲君應合過江來

宿金山寺

根盤蛟蜃路藤蘿四面無塵輟棹過得似吾師始惆
悵眼前終日有風波

龜山寺晚望

張蠙 二首

四面湖光絕路岐礪鵝飛處暮鐘時漁舟不用懸帆
席歸去乘風插柳枝

華山孤松

石罅引根非土力冒寒猶助嶽蓮光綠槐生在膏腴

地可得無心拒雪霜

宿天竺寺

嚴維 一首

方外主人名道林怕將水月淨身心居然對我說無
我寂歷山深將夜深

柳

李紳 一首

千條垂柳拂金絲日暖牽風葉學眉愁見花飛在不
定還同輕薄五陵兒

萬首唐人絕句卷第七十一

萬首唐人絕句卷第七十二

七言一百首

柳

顧雲一首

閒花野草總爭新
眉皺絲乾獨不勻
乞與東風殘氣力
莫教虛度一年春

牡丹

王叡三首

牡丹妖艷亂人心
一國如狂不惜金
曷若東園桃與李
果成無語自垂陰

秋

蟬噪古槐踈葉下
樹銜斜日映孤城
欲知潘鬢愁多少

少一夜新添白數莖

燕

海燕雙飛意若何
曲梁嘔嘎語聲多
茅簷不厭嫌卑陋
猶勝吳宮蕪竹窠

貽九華上人

齊已 三首

一法傳聞繼老能
九華閒臥最高層
秋鐘盡後殘陽暝
門掩松邊雨夜燈

紅薔薇花

晴日當樓曉香歇
錦帶盤空欲成結
鶯聲漸老柳飛時
狂風吹落猩猩血

謝猿皮

貴向獵師家買得
攜來乞與坐禪牀
不知摘月秋潭畔
曾對何人啼斷腸

精舍遇雨

清江 二首

空門寂寂淡吾身
溪雨微微洗客塵
臥向白雲情未盡
任他黃鳥醉芳春

小雪

落雪臨風不厭看
更多還恐蔽林巒
愁人正在書窻下
一片飛來一片寒

漁者

貫休 一首

風惡波狂身似閒滿頭霜雪背青山相逢略問家何在回指蘆花滿舍間

琴

隱巒 二首

七條絲上寄深意澗水松風生十指自乃知音猶尚稀欲教更入何人耳

浮橋

橫壓驚波防沒溺當初元朔是軍機行人到此全無滯一片江雲踏欲飛

鷺鷥

无則 三首

白蘋紅蓼碧江涯日暖雙雙立睡時願揭金籠放歸

去却隨沙鶴鬪輕絲

百舌鳥 二首

千愁萬恨過花時似向春風怨別離若使衆禽俱解語一生懷抱有誰知
長截鄰雞斗五更數般名字百般聲饒伊搖舌先知曉也待青天明即鳴

桐花鳥

可鵬 一首

五色毛衣比鳳雛深花叢裏祗無如美人買得偏憐惜移向金釵重幾銖

金錢花

盧子發 一首

唐詩卷七十一
三
輪郭休誇四字書紅窠寫出對庭除時時買得佳人
笑本色金錢却不知

早行

羅鄴 八首

雨灑江聲風又吹扁舟正與睡相宜無端戍鼓催前
去別却青山向曉時

公子行

雕鞍玉勒照花明過後香風特地生半醉五侯門裏
出月高猶在禁街行

鴈

暮天新鴈起汀洲紅蓼花開水國愁想得故園今夜

月幾人相憶在江樓

鴛鴦二首

紅閒碧靜霽煙開錦翅雙飛去又回一種相連名字
好盡緣人恨別離來

暖依牛渚紅莎媚夕宿龍池禁漏催相對若教秦女
見便應攜上鳳凰臺

螢

一首
在前

徘徊無燭冷無煙秋逕莎庭入夜天休向書窻來照
字近來紅燭滿歌筵

雞冠花

一枝濃艷對秋光
露滴風搖倚砌傍
曉景乍看何處
似謝家新染紫羅裳

詠鏡

昔歲相宜別有情
千回磨拭始將行
如今漸老愁無限
把向閒窗却怕明

祖龍詞

熊皦二首

平吞六國更何求
童女童男問十洲
滄海不回應悵
望始知徐福解風流

謫居海上

家臨涇水隔秦川
來往關河路八千
堪恨此身何處

老始皇橋畔又經年

詠猿

周朴二首

生在巫山更向西
不知何事到巴溪
中宵爲憶秋雲
伴遙隔朱門向月啼

桃花

桃花春色暖先開
明媚誰人不看來
可惜狂風吹落
後殷紅片片點莓苔

淺井

方干二首

夜入明河星似少
曙搖澄碧扇風翻
細泉細脉難來
到應覺添併耗舊痕

十六聲中運手輕一聲聲似自然聲不緣精妙過流
輩爭得江南別有名

鷓鴣

杜荀鶴 五首

一般毛色結羣飛兩岸煙汀好景時水底有魚嚙得
去看來却是鷓鴣饑

梁王坐上賦無雲雨

同是乾坤事不同雨絲飛灑日輪中若教陰朗長相
似爭表梁王造化功

涇溪

涇溪石險人競畏終歲不聞傾覆人若是半流無石
處時時聞說有沉淪

醉書僧壁

九華山色正堪愛留得高僧爾許年聽我吟詩供我
酒不曾穿得判齋錢

寄李隱居

自小棲玄到老閒如雲如鶴住應難溪山不必將錢
買贏得來來去去看

蟬

李郢 一首

飲蟬驚雨落高隄山蟻移將入石階若使秦樓美人

見還應一為拔金釵

螢

郭震
七首

秋風凜凜月依依飛過高梧影裏時處暗若教同衆
類世間爭得有人知

蛩

愁殺離家未達人一聲聲到枕前聞苦吟莫向朱門
裏滿耳笙歌不聽君

雲

聚散虛空去復還野人閒處倚筇看不知身外無根
物蔽月遮星作萬端

野井

縱無汲引味清澄冷浸寒空月一輪擊處若教當要
路爲君常濟往來人

米囊花

開花空道勝於草結實何曾濟得民却笑野田禾與
黍不聞絃管過青春

惜花

艷拂衣襟藥拂杯遶枝闌共蝶徘徊春風滿目還惆
悵半欲離披半未開

蓮花

臉膩香薰似有情世間何物比輕盈湘妃雨後來池
看碧玉盤中弄水晶

賁宜陽到荆渚

李伉一首

漢江江水水連天被賁宜陽路幾千爲問楚人山鳥
語問予歸棹是何年

冬夕

岑參一首

浩汗霜風刮天地溫泉大井無生意澤國龍蛇凍不
伸南山瘦柏消殘翠

桃花

吳融二首

滿樹和嬌爛熳紅萬枝丹彩灼春融何當結作千年

實將示人間遊化工

木筆花

嫩如新竹管初齊粉膩紅輕樣可攜誰與詩人俚檻
看好於牋墨併分題

題袁州龍興寺

易偲一首

百尺古松松下寺寶幡朱蓋盡珊珊閒庭甘露幾回
落青石綠苔猶未乾

贈廣宣大師

曹松一首

憶昔同遊紫閣雲別來三十二回春白頭相見雙林
下猶是清朝未退人

華清宮

崔櫓 一首

門封清鎖悄無人
落日秋聲渭水濱
紅葉下山寒寂寂
濕雲如夢雨如塵

又

李甘 一首

中原無鹿海無波
鳳輦鸞旗出幸多
今日故宮歸寂寂
寞太平功業在山河

粉牋所書

無名人 一首

三月江南花滿枝
風輕簾幙燕爭飛
游人休惜夜秉燭
楊柳陰濃春欲歸

煎茶

成文幹 二十三首

岳寺春深睡起時
虎跑泉畔思遲遲
蜀茶倩箇雲僧碾
自拾枯松三四枝

松

大夫名價古今聞
盤屈孤貞更出羣
將謂嶺頭閒得
了夕陽猶挂數枝雲

新燕

纔離海島宿江濱
應夢笙歌作近鄰
減省雕梁並頭
語畫堂中有未歸人

會友不至

王孫還是負佳期
玉馬追遊日漸西
獨上郊原人不

見鷓鴣飛過落花溪

惜花

忘食爲戀滿枝紅錦障頻移護晚風客散酒酣歸未
得欄邊獨立月明中

中秋月

王母粧成鏡未收倚欄人在水精樓笙歌莫占清光
盡留與溪翁一釣舟

暮春日宴溪亭

寒食尋芳遊不足溪亭還醉綠楊煙誰家花落臨流
樹數片殘紅到檻前

曉

列宿回元朝北極爽神晞露滴樓臺佳人卷箔臨階
砌笑指庭花昨夜開

夕

臺榭沉沉禁漏初麝煙紅蠟透蝦鬚雕籠鸚鵡將棲
宿不許鷓鴣鬟轉轆轤

露

銀河昨夜降醍醐灑遍坤維萬象蘇疑是鮫人曾泣
處滿池荷葉捧真珠

遊紫陽宮

古殿煙霞簇畫屏直疑踪跡到蓬瀛
碧桃滿地眠花鹿深院松窗擣藥聲

除夜

銅龍看却送春來莫惜顛狂酒白杯
吟鬢就中專擬白那堪更被二更催

元日

戴星先捧祝堯觴鏡裏堪驚兩鬢霜
好是燈前偷失笑屠蘇應不得先嘗

寒夜吟

洞房脉脉寒宵永燭影香消金鳳冷
獨兒睡魘喚不

醒漏窻墜落銀蟾影

柳枝辭九首

輕籠小徑近誰家玉馬追風翠影斜
愛把長條惱公子惹他頭上海棠花

鵝黃剪出小花鈿綴上芳枝色轉鮮
飲散無人收拾得月明堦下伴鞦韆

東君愛惜與先春草澤無人處也新
委囑露華并細雨莫教遲日惹風塵

勾踐初迎西子年琉璃爲帚掃溪煙
至今不改當時色留與王孫擊酒船

唐詩卷七十一
綠楊移傍小亭栽，便擁穠煙撥不開。
誰把金刀爲刪掠，放教明月入窗來。

遠接關河高接雲，雨餘洗出半天津。
牡丹不用相輕薄，自有清陰覆得人。

掩映鶯花媚有餘，風流才調比應無。
朝朝奉御臨池上，不羨青松拜大夫。

王孫宴罷曲江池，折取春光伴醉歸。
怪得美人爭鬪乞，要他穠翠染羅衣。

殘照林梢裊數枝，能招醉客上金堤。
馬驕如練纓如犬，瑟瑟陰中步步嘶。

登甘露臺

劉言史

五首

偶至無塵空翠間，雨花甘露境閒閒。
身心未寂終爲累，非想天中獨退還。

夜泊潤州江口

秋江欲起白頭波，賈客瞻風無渡河。
千船火絕寒宵半，獨聽鐘聲覺寺多。

看山木瓜花二首

裛露凝氛紫艷新，千般婉娜不勝春。
年年此樹花開日，出盡丹陽郭裏人。

柔枝濕艷亞朱欄，暫作庭芳便欲殘。
深藏數片將歸

去紅縷金針繡取看

題十三弟竹園

繞屋扶踈聳翠莖苔滋粉漾有幽情丹陽萬戶春光
靜獨自君家秋雨聲

尋易尊師不遇

陳懈一首

爛熳紅霞光照衣苔封白石路微微華陽洞裏何人
在落盡松花不見歸

題中峰

費冠卿三首

中峰高拄次寥天上有茅菴與石泉晴景獵人曾望
見青藍色裏一僧禪

徵拜拾遺書情二首

拾遺帝側知難得官緊才微恐不勝好是中朝絕親
友九華山下詔來徵
三千里外一微臣二十年來任運身今日忽蒙天子
召自慚驚動國中人

九華樓晴望

張喬一首

一夜江潭風雨後九華晴望倚天秋重來此地知何
日欲別殷勤更上樓

登遊齊山

許堅一首

星使南馳入楚重此山偏得駐行蹤落花滿地月華

冷寂寞舊山三四峰

寄尉遲侍御

李昭象 二首

我眠青嶂弄澄潭君戴貂蟬白玉簪應向謝公樓上
望九華山色在西南

招西洞道者

危峰抹黛夾晴川樹簇紅英草碧煙樵客雲僧兩無
事此中堪去覓靈仙

題汶川村居

滕白 二首

種茶巖接紅霞塢灌稻泉生白石根
蟠腹老翁眉似雪海棠花下戲兒孫

燕

短羽新來別海陽真珠高捲語雕梁佳人未必全聽
爾正把金針繡鳳凰

送咸安公主

孫叔向 一首

鹵簿遲遲出國門漢家公主嫁烏孫
玉顏使向穹廬去衛霍空承明主恩

嘲螃蟹

朱貞白 一首

蛇眼龜形脚似蛛未曾正面向人趨
如今釘在盤筵上得似江湖亂走無

題杜秀才水亭

陸龜蒙 一首

曉和風露立晴煙
祗恐腥魂澗洞天
雲肆有龍君若
質便敲初日鑄金錢

桃花磯

張顛 三首

隱隱飛橋隔墅煙
石磯西畔問漁船
桃花盡日隨流水
洞在清溪何處邊

山行留客

山光物態弄春暉
莫爲輕陰便擬歸
縱使晴明無雨色
入雲深處亦霑衣

春游值雨

欲尋軒檻倒清尊
江上煙雲向晚昏
須倩東風吹散

雨明朝却待入華園

對御書後又一絕

亞棲 二首

通神筆法得玄門
親入長安謁至尊
莫怪出來多意氣
草書曾悅聖明君

題英禪師

將知德行異尋常
每見持經在道場
欲識用心精潔處
一瓶秋水一爐香

宜春郡城聞猿

崔江 一首

怨抱霜枝向月啼
數聲清遶郡城低
那堪日夜有雲雨
便似巫山與建溪

萬首唐人絕句卷第七十二

萬首唐人絕句卷第七十三

七言一百首

戲題諸判官廳壁

包幼正

三首

六十老翁無所取
二三君子不相遺
願留今日交歡意
直到隳官謝病時

朝拜元陵

宮前石馬對中峯
雲裏金鋪闢幾重
不見露盤迎曉日
唯聞木斧扣寒松

觀壁畫九想圖

一世榮枯無異同
百年哀樂又歸空
夜闌烏鵲相爭

處林下真僧在定中

秋朝木芙蓉

趙彥昭一首

水面芙蓉秋已衰繁條偏是著花遲
平明露滴垂紅臉似有朝愁暮落時

登祝融寺蘭若

盧肇十三首

祝融絕頂萬餘層策杖攀蘿步步登
行到月宮霞外寺白雲相伴兩三僧

楊柳枝詞

青鳥泉邊草木春黃雲塞上是征人
歸來若得長條贈不憚風霜與苦辛

新植紅茶花偶出被人移去以詩索之

嚴恨柴門一樹花便隨香遠逐香車
花如解語還應道欺我郎君不在家

被責連州

黃綃外孫翻得罪華顛故老莫相嗤
連州萬里無親戚舊識唯應有荔支

謫後再書一絕

崆峒道士悞燒丹赤鼠黃牙幾許難
墮墮閻浮南斗下不知何事犯星官

題清遠峽觀音院二首

清潭洞澈深千丈危岫攀蘿上幾層秋盡更無黃葉
樹夜闌唯對白頭僧

風入古松添急雨月臨虛檻背殘燈老猿嘯狖還欺
客來撼牕前百尺藤

喜楊舍人入翰林

御筆親批翰長銜夜開金殿送瑤緘平明玉案臨宣
室已見龍光出傳巖

謫連州書春牛榜子

陽和未解逐民憂雪滿羣山對白頭不得職田飢欲
死兒儂何事打春牛

送弟

去日家無擔石儲汝須勤苦事樵漁古人盡向塵中
遠白日耕田夜讀書

牧童

誰人得似牧童心牛上橫眠秋聽深時復往來吹一
曲何愁南北不知音

嘲小兒

貪生只愛眼前珍不覺風光度歲頻昨日見來騎竹
馬今朝早是有年人

成名後作

桂在蟾宮不可攀，功成業熟也何難。今朝折得東歸去，共與鄉閭年少看。

韋使君宅海榴詠 皇甫曾 二首

淮陽卧理有清風，臘月榴花帶雪紅。閉閣寂寥常對此，江湖心在數枝中。

巖嶺四望

漢家仙仗在咸陽，洛水東流出建章。野老至今猶望幸，離宮秋樹獨蒼蒼。

奉和九兄渤見寄絕句 李涉 五首

忽啓新緘吟近詩，詩中韻出碧雲詞。且喜陟岡愁乙

散登舟，只恨渡江遲。

贈友人孩子

驪龍頷下亦生珠，便與人間衆寶殊。他時若要追風日，須得君家萬里駒。

奉宣慰使魚十四郎

年纔二十衆知名，孤鶴儀容徹骨清。口傳天語來人世，却逐祥雲上玉京。

題善光寺

雲門天竺舊姻緣，臨老移家住玉泉。早到可中滄南寺，免得翻經住幾年。

題宣化寺道元上人居

二十年前不繫身草堂曾與雪為隣常思和尚當時
語衣鉢留將與此人

折楊柳

王貞白一首

枝枝交影鎖長門嫩色曾沾雨露恩鳳輦不來春欲
盡空留鶯語到黃昏

和崔使君臨發不得觀積雪 朱景玄四首

貧居稍與池塘近旬日軒車不降來一樹瓊花空有
待曉風看落滿青苔

遠聞本郡行春到舊山

一身從宦留京邑五馬遙聞到舊山已領煙霞光野
徑深慙老幼候柴關
清風借響松筠外晝隼停輝水石間定掩溪名在圖
傳共知軒蓋此登攀

宿新安村步

浙浙寒流漲淺沙月明空渚徧蘆花離人偶宿孤村
下永夜聞砧一兩家

立春後作

王初十二首

東君珂珮響珊珊青馭多時下九關方信玉霄千萬
里春風猶未到人間

梅花二首

應爲陽春信未傳
固將青艷屬殘年
東君欲待尋佳約
剩寄衣香與粉綿
迎春雪艷飄零極
度夕蟾華掩映多
欲托清香傳遠信
一枝無計奈愁何

春日詠梅花

靚妝纔罷粉痕新
迢曉風回散玉塵
若遣有情應悵望
已兼殘雪又兼春
青帝來時值遠芳
殘花殘雪尚交光
隔年擬待春消息
得見春風已斷腸

即文

榆葉飄零碧漢流
玉蟾珠露兩清秋
僊家若有單棲恨
莫向銀臺午夜遊

送陳校勘入宿

日落風回卷碧霓
方蓬一夜拆龍泥
銀臺級級連清漢
桂子香濃月杵低

即夕

風幌涼生白袷衣
星榆纔亂絳河低
月明休近相思樹
恐有韓馮一處栖

早春詠雪

句芒宮樹已先開
珠璣瓊花闌剪裁
散作上林今夜
雪送教春色一時來

望雪

銀花珠樹曉來看
宿醉初醒一倍寒
已似王恭披鶴
氅凭欄仍是玉欄干

雪霽

星榆葉葉晝離披
雲粉千重凝不飛
崑玉樓臺珠樹
密夜來誰向月中歸

舟次汴堤

曲岸蘭叢鴈飛起
野客維舟石烟裏
竿頭五兩轉天

風白日楊花滿流水

省試日上崔侍郎四首

劉得仁 十五首

衣上年年淚血痕
只將懷抱訴乾坤
如今主聖臣賢
日豈致人間一物冤

如病如痴一十秋
求名難得又難休
回看骨肉須堪
恥一着麻衣便白頭

戚里稱儒愧小才
禮闈公道此時開
他人何事虛相
指明主無私不是媒

方寸終朝似火燃
為求白日上青天
自嗟辜負平生
眼不識春光二十年

秋夜作

秋氣滿堂孤燭冷
清宵無寐憶山歸
愔前月過三更
後細竹吟風似雨微

長門怨

爭得一人聞此怨
長門深夜有妍姝
早知雨露翻相
悞只插荆釵嫁匹夫

村中閑步

閑共野人臨野水
新秋高樹掛清輝
不知塵裏無窮
事白鳥雙飛入翠微

賈婦怨

嫁與商人頭欲白
未曾一日得雙行
任君逐利輕江
海莫把風濤似妾輕

寄友人

風颯沉思眼忽開
塵埃污得是庸才
那堪更見巢松
鶴飛入青雲不下來

晏起

日過辰時猶在夢
客來應笑也求名
浮生自得長高
枕不向人間與命爭

別山居

萬壑千巖景象開
登臨未足又須回
憑師莫斷松間

路秋月圓時弟子來

馬上別單于劉評事

時太和公主還京
評事罷舉起職

廟謀宏遠人難測
公主生還帝感深
天下底平須共喜
一時閑事莫驚心

贈從弟谷

此世榮枯豈足驚
相逢唯要眼長青
從來不愛三閭死
今日憑君莫獨醒

贈道人

長在城中無定業
賣丹磨鏡兩途貧
三山來往尋常事
不省曾驚市井人

對月寄同志

霜滿庭中月在林
寒鴻頻過又更深
支頤不語相思坐
料得君心似我心

上清辭五首

李九齡
二十三首

八海浮生汗漫秋
紫皇高宴五雲樓
霓裳曲罷天風起
吹散仙香滿十洲

樓鑱彤霞地絕塵
碧桃花發九天春
東皇近日慵遊宴
閑煞瑤池五色麟

上清仙路有丹梯
影響行人到即迷
不會無端箇漁父
阿誰教入武陵溪

本來方朔是真仙，偶別丹臺未得還。何事玉皇消息晚，忍教憔悴向人間。

新拜天官上玉都，紫皇親授五靈符。羣仙箇箇來相問，人世風光似此無。

讀三國志

有國由來在得賢，莫言興廢是循環。武侯星落周瑜死，平蜀降吳似等閑。

山舍南溪小桃花

一樹繁英奪眼紅，開時先合占東風。可憐地僻無人賞，拋擲深山亂木中。

春行遇雨

夾路輕風撼柳條，雨侵春態動無憀。採香陌上誰家女，濕損釵頭翡翠翹。

登樓寄遠

滿城春色花如雪，極目煙光月似鉤。總是動人鄉思處，更堪容易上高樓。

望思臺

漢武年高慢帝圖，任人曾不問賢愚。直饒四老依前出，消得江充寵佞無。

山舍偶題

門掩松蘿一逕深
偶携藜杖出前林
誰知盡日看山坐
萬古興亡總在心

荆溪夜泊

點點漁燈照浪清
水煙疎碧月朧明
小灘驚起鴛鴦處
一隻採蓮船過聲

旅舍卧病

家隔西秦無遠信
身隨東洛度流年
病來旅館誰相問
牢落閑庭一樹蟬

登昭福寺樓

旅懷秋興正無涯
獨倚危樓四望賒
谷變陵遷何處

問滿川空有舊煙霞

代邊將

雪凍陰河半夜風
戰回狂虜血漂紅
據鞍遙指長安路
須刻麟臺第一功

夜與張舒話別

愁聽南樓角又吹
曉雞啼後更分離
如何銷得淒涼思
更勸燈前酒一卮

梅詞

霜梅先拆
頭枝萬卉
千花凍不知
留得和羹滋味
在任他風雪苦相欺

靈泉寺

入谷先生
陣香異花奇木簇禪堂可憐門外高低
路萬轂千蹄日日忙

宿張正字別業

茅屋蕭寥煙暗後松窓寂歷月明初此時誰念孤吟
客唯有黃公一帙書

鶴

天上瑤池覆五雲玉麟金鳳好為羣不須更飲人間
水直是清流也汗君

過相思谷

悠悠信馬春山曲芳草和煙鋪嫩綠正被離愁着
人那堪更過相思谷

寫莊子

聖澤安排當散地賢侯優貸借新居閑中亦有閑生
計寫得南華一部書

山中寄友人

亂雲堆裏結茅廬已共紅塵跡漸踈莫問野人生計
事牕前流水枕前書

重門曲

周濱 四首

憔悴容華怯對春寂寥宮殿鎖閑門此身却羨宮中

樹不失芳時雨露恩

山下水

背雲衝石出深山淺碧泠泠一帶寒不獨有聲流此地會歸滄海助波瀾

逢隣女

日高隣女笑相逢慢束羅裙半露胷莫向秋池照綠水參差羞殺白芙蓉

廢宅

牢落畫堂空鎖塵荒涼庭樹暗消春豪家莫笑此中事曾見此中人笑人

津頭望白水

周繇二首

晴江暗漲岸吹沙山畔船衝樹杪斜城郭半淹橋市開鷺鷥繚繞入人家

公子行

青衫薄薄漏春風日暮鳴鞭柳影中回望玉樓人不見酒旗深處勒花驄

寄鑒上人

左偃二首

一從携手阻戈鋌屈指如今已十年長記二林同宿夜竹齋聽雨共忘眠

江上晚泊

寒雲淡淡天無際
片帆落處沙鷗起
水闊風高日復
斜扁舟獨宿蘆花裏

送人

一莖兩莖華髮生
千枝萬枝梨花白
春色江南獨未
歸今朝又送還鄉客

鍾陵鐵柱

盧士衡三首

千年埋沒竟何為
變化宜將萬物齊
安得風胡借方
便鑄成神劍斬鯨鯢

僧房聽雨

古寺松軒雨聲別
寒牕聽久詩魔發
記得年前在

城石樓夢覺三更雪

題牡丹

萬葉紅綃翦盡春
丹青任寫不如真
風光九十無多
日難惜樽前折贈人

長安春暮

潘咸三首

客在關西春暮夜
還同江外已清明
三更獨立看花
月唯欠子規啼一聲

舟行

平沙極浦無人度
猶繫孤舟寒草西
半夜起看潮上
月萬山中有一猿啼

送僧

闕下僧歸山頂寺却看朝日下方明莫道野人尋不見
見半天雲裏有鍾聲

弔邊人

沈彬 六首

殺聲沉後野風悲漢月高時望不歸白骨已枯沙上
草佳人猶自寄寒衣

都門送別

岸柳蕭疎野草秋都門行客莫回頭一條灞水清如
劍不為離人割斷愁

萬首唐人絕句卷第七十三

萬首唐人絕句卷第七十四

七言一百首

善卷先生壇

蔡崑 一首

幾到壇邊登閣望因思遺跡詠今朝當時為有重華
出不是先生傲帝堯

南塘二首

鮑溶

南塘旅客秋淺清夜深綠蘋風不生蓮花受露重如
睡斜月起動鴛鴦聲

塘東白日駐紅霧早魚翻光樂碧潯畫舟蘭棹欲破
浪恐畏驚動蓮東心

題嚴君觀

王岳 六首

寒雲古木罩星臺凡骨仙蹤信可哀二十年前曾此
到一千年內未歸來

山中有所思

零零夜雨漬愁根觸物傷離好斷魂莫怪杜鵑飛去
盡紫微花裏有啼猿

燕

一巢功績破春光絮落花殘兩翅狂月樹風枝不棲
去強來言語泥雕梁

貧女

難把菱花照素顏試臨春水插花看木蘭船上遊春
子笑指荆釵下遠灘

杪春寄友人

何處相逢萬事忙卓家樓上百淘香明朝漸近山僧
寺更爲殘花醉一場

回舊山

庾家樓上謝家池處處風煙少舊知明日落花誰共
醉野溪猿鳥恨歸遲

故白巖禪師院

王夢周 一首

能師還世名還在空閉禪堂滿院苔花樹不隨人寂

寔數枝猶自出牆來

題商山修路僧院

蔣吉十一首

此地修行山幾枯
草堂生計只瓶盂
支郎旣解除艱
險試看人心平得無

次青雲驛

馬轉櫟林山鳥飛
商溪流背殘暉
行人幾在青雲
路底事風塵猶滿衣

題長安僧院

出門爭走九衢塵
總是浮生不了身
唯有水田衣下
客大家忙處作閒人

大庾驛有懷

一囊書重百餘斤
郵吏寧知去計貧
莫訝偏吟望鄉
句明朝便見嶺南人

樵翁

獨入深山信脚行
慣當羆虎不曾驚
路傍花發無心
看唯見枯枝刮眼明

聞歌竹枝

尋堤聽唱竹枝詞
正是月高風靜時
獨向東南人不
會弟兄俱在楚江湄

昭君冢

曾爲漢帝眼中人今作狂胡陌上塵身死不知多少
載冢花猶帶洛陽春

四老廟

無端捨釣學奇名不得溪山養性情自省此身非達
者今朝羞拜四先生

旅泊

霜月正高鸚鵡洲美人清唱發紅樓鄉心暗逐秋江
水直到吳山脚下流

出塞

瘦馬羸童行背秦暮鴉撩亂入殘雲北風吹起寒營

角直至榆關人盡聞

次商於感舊寄盧中丞

昔年簪組隘丘門今日旌幢一院存何事商於淚如
雨小儒偏受陸家恩

庭竹

唐求 五首

月籠翠葉秋承露風亞繁梢暝掃煙知道雲霜終不
變冰留寒色在庭前

題常樂寺

桂冷松香十里間殿臺渾不似人家日斜回首江頭
望一片閒雲落後山

送劉鍊師歸山

風急雲輕鶴背寒
洞天誰道却歸難
千山萬水瀛洲路
何處煙飛是醮壇

酬舒公見寄

無客不言雲外見
爲文長遣世間知
一聲松迳寒吟後
直是前山雪下時

巫山下

細腰宮盡舊城摧
神女歸山更不來
唯有楚江斜日裏
至今猶自繞陽臺

三月盡日

李昌符四首

江頭從此管弦稀
散盡遊人獨未歸
落日已將春色去
殘花應逐夜風吹

綠珠詠

洛陽佳麗與芳華
金谷園中見百花
誰遣當年墜樓死
無人巧笑破孫家

贈別

又將書劍出孤舟
盡日停橈結遠愁
莫到江頭話離別
江波一去不回流

悶書

病來難處早秋天
一徑無人樹有蟬
歸計未成書半

卷中宵多夢晝多眠

經范蠡舊居

張蟻十四首

一變姓名離百越越城猶在范家無他人不識扁舟
意却笑輕生泛五湖

抒懷

幾出東堂謝不才便甘閒望故山回翻思未是離家
久更有人從外國來

弔萬人冢

兵罷淮邊客路通亂鷗來去噪寒空可憐白骨攢孤
冢盡為將軍覓戰功

別鄭仁表

春雷醉別鏡湖邊官顯才狂正少年紅燭滿汀歌舞
散美人迎上木蘭船

贈段逸人

長筇自擔藥兼琴話着名山即擬尋從聽世人忙似
火不能移得臥雲心

上所知

初向衆中留姓名敢期言下致時名而今馬亦知人
意每到門前不肯行

青冢

傾國可能勝効國無勞真寔更思回太真雖是承恩
死祇作飛塵向馬嵬

傷賈島

生爲明代苦吟身死作長江一逐臣可是當時少知
已不知知己是何人

長安寓懷

九衢秋雨掩閒扉不似于名似息機貧病却慚牆上
土年來猶自換新衣

古戰場

荒骨潛銷壘已平漢家曲說此交兵如何萬古冤魂

在風雨時聞有戰聲

再遊西山贈許尊師

別後已聞師得道不期猶在此山頭昔時霜鬢今如
漆疑是年光却倒流

宮詞

日透珠簾見冕旒六宮爭逐百花毬回看不覺君王
去已聽笙歌在遠樓

自諷

鹿鳴筵上強稱賢一送離家十四年同隱海山燒藥
伴不求仙桂却登仙

十五夜與友人對月

每到月圓思共醉不宜同醉不成歡
一千二百如輪夜浮世誰能盡得看

夢仙謠三首

王穀

前程漸覺風光好琪花片片粘瑶草
有人遺我五色丹一粒吞之後天老

青童遞酒金觴疾列坐紅霞神氣逸
笑說留連數日間已是人間一千日

瑤臺絳節遊皆遍異果奇花香撲面
松窻夢覺却神清殘月林前三兩片

偶書

劉義

四首

日出扶桑一丈高人間萬事細如毛
野夫怒見不平事磨損胷中萬古刀

觀八駿圖

穆王八駿走不歇海行去尋長日月
五雲望斷阿母宮歸來落得新白髮

天津橋

洛陽宮闕照天地四面山川無毒氣
誰令漢祖都秦關今遂姦雄轉相熾

野哭

棘針生猛義路間野泉相弔聲潺潺哀哉異教溺頑
俗淳源一去何時還

酬幽居閒上人喜及第後贈陳羽十首
九霄心在勞相問四十年間豈足驚風動自然雲出
岫高僧不用笑浮生

洛下贈徹公古
天竺沙門洛下逢請為同社笑相容支頤忽望碧雲
裏心愛高山第幾重

觀朱舍人歸葬吳中

翩翩絳旄寒流上行遠東歸萬里魂幾處州人臨水

哭共看遺草有王言

襄陽過孟子舊居

襄陽城郭春風裏漢水東流去不還孟子死來江樹
老煙霞猶在鹿門山

步虛詞

樓殿層層阿母家崑崙山頂住紅霞笙歌出見穆天
子相引笑看琪樹花

送友人遊嵩山

嵩山歸路遠天壇雲影松聲滿谷寒君見九龍壇上
月莫辭清夜水中看

題清鏡寺留別

路入千山愁自知
雪花撩亂壓松枝
世人並道離別苦
誰信山僧輕別離

從軍行

海畔風吹凍泥裂
枯桐葉落枝梢折
橫笛聞聲不見人
紅旗直上天山雪

宿淮陰作

秋燈點點淮陰市
楚客聯檣宿淮水
夜深風起魚鱉腥
韓信祠堂明月裏

春日南山行

處處看山不可行
野花相向笑無成
長嫌為客過州縣
漸被時人識姓名

覽古三十九首

本一百首有前卷已見并刪去者

汪遵

彭澤

鶴愛孤松雲愛山
官情微祿免相關
栽成五柳吟歸去
漉酒巾邊伴菊閒

杜郵館

殺盡降兵熱血流
一心猶自逞戈矛
功成若解求身退
豈得將軍死杜郵

細腰宮

鼓聲連日燭連宵貪向春風舞細腰爭奈君王正沉
醉秦兵江上促征橈

瑤臺

仙夢香魂不久留滿川雲雨滿宮愁直須待得荆王
死始向瑤臺一處遊

吳坂

蹉跎鹽車萬里蹄忽逢良鑒始能嘶不緣伯樂稱奇
骨幾與駑駘價一齊

箕山

薄世臨流洗耳塵便歸雲洞任天真一瓢風入猶嫌

鬧何況人間萬種人

息國

家國興亡身獨存玉容還受楚王恩銜冤只合甘先
死何待花間不肯言

梁寺

立國從來爲戰功一朝何事却談空臺城兵匝無人
敵間臥高僧滿梵宮

南陽

陸困泥蟠未適從豈妨耕稼隱高蹤若非先主垂三
顧誰識茅廬一臥龍

杞梁墓

一叫長城萬仞摧杞梁遺骨逐妻回南鄰北里皆孀婦誰解堅心繼此來

夷門

晉鄙兵回爲重難秦師收旆亦西還今來不是無朱亥誰降軒車問抱關

汴河

隋皇意欲泛龍舟千里崑崙水別流還待春風錦帆暖柳陰相送到迷樓

燕臺

禮士招賢萬古名高臺依舊對燕城如今寂寞無人上春去秋來草自生

聊城

刃血攻聊已越年竟憑儒術罷戈鋌田單漫逞燒牛計一箭終輸魯仲連

西河

花貌年年溺水濱俗傳河伯娶生人自從明宰投巫後直至如今鬼不神

密縣

百里能將濟猛寬飛蝗不到邑人安至今閭里逢災

診猶祝當時卓長官

昇僊橋

題橋貴欲露先誠此日人皆笑率情應訝臨叩沽酒
客逢時還作漢公卿

破陳

獵獵朱旗映綵霞紛紛白刃入陳家看看打破東平
苑猶舞庭前玉樹花

白頭吟

失却青絲素髮生合歡羅帶意全輕古今人事皆如
此不獨文君與馬卿

短歌吟

箭飛烏兔競東西貴賤賢愚不夢齊匣裏有琴樽有
酒人間便是武陵溪

晉河

風引征帆管吹高晉君張晏侯雄豪舟人笑指千餘
客誰是煙霄六翮毛

于將軍墓

囊籜冰霜萬古聞拍灰松地見餘墳應緣神劍飛揚
父水水山山盡是雲

金谷

晉臣榮盛更誰過
常向堦前舞翠娥
香散艷消如一
夢但留風月伴煙蘿

三閭廟

爲嫌朝野盡陶陶
不覺官高怨亦高
憔悴莫酬漁父
笑浪交千載詠離騷

易水

七首空磨事不成
誤留龍袂待琴聲
斯須却作秦中
鬼青史徒標烈士名

嚴陵臺

一釣淒涼在杳冥
故人飛詔入山扃
終將寵辱輕軒

冕高臥五雲爲客星

淮陰

秦季賢愚混不分
只應漂母識王孫
歸榮便累千金
贈爲報當時一飯恩

雞鳴曲

金距花冠傍舍棲
清晨相叫一聲齊
開關自有馮生
計不必天明待汝啼

採桑婦

爲報躊躇陌上郎
蠶饑日晚妾心忙
本來若愛黃金
好不肯携籠更採桑

漁父

棹月眠流處處通
綠簑葦帶混元風
靈均說盡孤高事
全與逍遙意不同

越女

玉貌何曾爲浣沙
只圖句踐獻夫差
蘇臺日夜唯歌舞
不覺干戈犯翠華

望思臺

不憂家國任姦臣
骨肉翻爲鷲路人
巫蠱事行冤莫雪
九層徒築見無因

比干墓

國亂時危道不行
忠賢諫死勝謀生
一沉冤骨千年後
壠水雖平恨未平

郢中

莫言白雪少人聽
高調都難稱俗情
不是楚詞詢宋玉
巴歌猶掩繞梁聲

北海

漢臣曾此作縲囚
茹血衣毛十九秋
鶴髮半垂龍節在
不聞青史說封侯

招屈亭

三閭溺處殺懷王
感得荆人盡縞裳
招屈亭邊兩重

恨遠天秋色暮蒼蒼

屈祠

不肯迂回入醉鄉
乍吞忠梗沒滄浪
至今祠畔猿啼
月了了猶疑恨楚王

銅雀臺

銅雀臺成玉座空
短歌長袖盡悲風
不知僊駕歸何
處徒遣顰眉望漢宮

斑竹祠

九處煙霞九處昏
一回延首一銷魂
因憑直節流紅
淚圖得千秋見血痕

唐絕句卷七十四

萬首唐人絕句卷第七十五

七言一百首

送韋判官

盧綸二十八首

前峰後嶺碧濛濛
草擁驚泉樹帶風
人語馬嘶聽不
得更堪長路在雲中

途中遇雨留別二端公

陰雷慢轉野雲長
驄馬雙嘶愛雨涼
應念龍鍾在泥
客欲摧肝膽事王章

送潁陽徐少府

潁陽春色似河陽
一望繁花一縣香
今日送君君取

恨可憐才子白鬚長

赴虢州留別故人

世故相逢各未閒百年多在別離間
昨夜秋風今夜雨不知何處入空山

送暢當還舊山

常逢明月馬塵間是夜照君歸處山
山中松桂花發盡頭白屬君如等閒

送僧

金縷袈裟國大師能銷壞宅火燒時
復來擁膝說無住知向人天何處期

將赴京留獻令公

沙鶴驚鳴野雨收大河風物颯然秋
力微恩重亮難報不是行人不解愁

酬靈澈上人

軍人奉役本無期葉落花开總不知
走馬塵中頭雪白若爲將面見湯師

雨中酬友人

看山獨行歸竹院水遶前階草生遍
空林細雨暗無聲唯有愁心兩相見

哭苗主簿

原頭殞御逶新塋原下行人望哭聲更想秋山連古
木唯應石上見君名

王駙馬花燭詩三首

一首在前卷

一人女壻萬人憐一夜稠疎抵百年爲報司徒好將
息明珠解轉又能圓

人主人臣是親家千秋萬歲保榮華幾時曾向高天
裏得見今宵月裏花

比翼和鳴雙鳳凰欲棲金帳滿城香平明却入天泉
裏日氣曛曛五色光

憑姚校書附書達郗推官

寄書常切到常遲今日憑君君莫辭若問玉人殊易
識蓮花府裏最清羸

驛中望山

官微多懼事多同拙性偏無主驛功山在門前登不
得鬢毛衰盡落塵中

贈韓山人

見君何事有慚顏白髮生來未到山更歎無家又無
藥往來惟在酒徒間

翫春戲呈李益

掖垣春色自天來紅藥當階次第開憲草叢叢爾何

物等閒穿破綠莓苔

出山逢耿湜

雲雪離披山萬重
別來曾住最高峰
暫到人間歸不
得
長安陌上又相逢

壯公院聞琴

悞以聲音祈遠公
請將徽軫付秋風
漾漾峽流吹不
盡
月華如在白波中

題印禪師影堂

雙屨參差錫杖斜
衲衣交膝對天花
瞻空悟問修持
劫
似指前溪無數沙

伯夷廟

中條山下黃疆石
疊作夷齊廟裏神
樹葉滿階塵滿
座
不知澆酒爲何人

華清宮二首

漢家天子好經過
白日青山宮殿多
見說只今生草
處
禁泉荒石已相和

天氣朦朧暖畫梁
一回開殿滿山香
宮娃幾許經歌
舞
白首翻令憶建章

過僊遊寺

上方下方雪中路
白雲流水間數步
峰到盡時猶未

歸寂寞經聲竹陰暮

題野寺

寺前山遠古陂寬寺裏人移春草寒何事最堪悲色
相折花將與老僧看

看弄卻翁伯

洛下渠頭百卉新滿筵歌笑獨傷春須臾更看卻翁
伯卽我此身如此人

新茶詠

三獻蓬萊始一嘗自調金鼎閱芳香貯之玉合纔半
餅寄與阿誰題數行

渡浙江

前船後船未相及五兩頭平北風急飛沙卷地日色
昏一半征帆潮浪濕

出軍

戎昱十首

龍繞旌竿獸滿旗翻營乍似雪山移中軍一隊三千
騎盡是并州遊俠兒

寂上人禪房

俗塵浮垢閉禪關百歲身心幾日間安得此生同草
木無營長在四時閒

桂州口號

畫角三聲動客愁
曉霜如雪覆江樓
誰道桂林風景
暖到來重着皂貂裘

紅槿花

花是深紅葉麴塵
不將桃李共爭春
今日驚秋自憐
客折來持贈少年人

哭黔中薛大夫

亞相何年鎮百蠻
生涯萬事瘴雲間
夜郎城外誰人
哭昨日空餘旌節還

感春

看花淚盡知春盡
魂斷看花祇恨春
名位未霑身欲

老詩書寧救眼前貧

途中寄李二

楊柳煙含灞岸春
年年攀折爲行人
好風若借低枝
便莫遣青絲掃路塵

寄許鍊師

掃石焚香禮碧空
露華偏濕蕊珠宮
如何說得天壇
上萬里無雲月正中

下第留辭顧侍郎

綺陌彤彤花照塵
王門侯邸盡朱輪
城南舊有山村
路欲向雲霞覓主人

題雲公山房

雲公蘭若深山裏月明松殿微風起試問空門清淨
心蓮花不着秋潭水

郢城秋望

郎士元 八首

白首思歸歸不得空山聞鴈鴈聲哀高城落日望西
北又見秋風逐水來

送別

穆陵關上秋雲起安陸城邊遠行子薄暮寒蟬三兩
聲回望故鄉千萬里

送麴司直

曙雪蒼蒼兼曙雲朔風燕鴈不堪聞貧交此別無他
贈唯有青山遠送君

留別常著

歲晏蒼郊蓬轉時遊人相見說歸期
必君堂上能留客明月還家應未遲

送張光歸吳

看取庭蕪白露新勸君不用久風塵
秋來多見長安客解愛鱸魚能幾人

聞吹楊葉者二首

妙吹楊葉動悲笳胡馬迎風起恨賒
若是鴈門寒月

夜此時應卷畫驚沙
天生一藝更無倫
寒亮幽音妙入神
吹向別離攀折處
當應合有斷腸人

夜泊湘江

湘江木落洞庭波
湘水連雲秋鴈多
寂寞舟中誰借問
月明只自唱漁歌

侍宴詠桃花

蘇頌 二首

桃夭灼灼有光輝
無語成蹊點更飛
爲見芳林含笑待
遂同溫樹不言歸

奉和聖製韋嗣立莊

樹色參差隱翠微
泉流百尺向空飛
傳聞此處投竿往
遂使茲辰扈蹕歸

戲贈趙使君美人 張謂 一首

紅粉青娥映楚雲
桃花馬上石榴裙
羅敷獨向東方去
漫學僊家作使君

安公房問凜 張繼 四首

流年一日復一日
世事何時是了時
試向東林問禪伯
遣將心地學琉璃

上清詞

紫陽宮女捧丹砂
王母令過漢帝家
春風不肯停僊

馭却向蓬萊看杏花

送顧況泗上覲叔父

吳鄉歲貢足嘉賓後進之中見此人別業更臨洙泗
上擬將書卷對殘春

留別

何事千年遇聖君坐令雙鬢老江雲南行更入山深
淺岐路悠悠水自分

樂府雜詞三首

二首見前

劉言史

四十七首

紫禁梨花飛雪毛春風絲管翠樓高城裏萬家聞不
見君王試舞鄭櫻桃

蠟翼紅冠粉黛輕雲和新教羽衣成月光如雪金塔
上迸却頗梨義甲聲

不耐簷前紅槿枝薄粧春寢覺仍遲夢中無限風流
事夫壻多情亦未知

歲暮題楊錄事江亭

楊生蜀客

垂絲蜀客涕濡衣歲盡長沙未得歸腸斷錦帆風日
好可憐桐鳥出花飛

冬日峽中旅泊

霜月明明雪復殘孤舟夜泊使君灘一聲鍾出遠山
裏暗想雪窗僧起寒

泊花石浦

舊業蕞臺廢苑東幾年爲梗復爲蓬
杜鵑啼斷回家夢半在邯鄲驛樹中

聞崔倚旅葬

遠客那能返故廬蒼梧埋骨痛何如
他時親戚空相憶席上同悲一紙書

賦蕃子牧馬

磧淨山高見極邊孤烽引上一條煙
蕃落多晴塵擾擾天軍獵到鷓鴣泉

牧馬泉

平沙漫漫馬悠悠弓箭閒拋郊外頭
鼠毛衣裏取羌笛吹向秋天眉眼愁

越井臺望

獨立陽臺望廣州更添羈客異鄉愁
晚潮未至早潮落井邑暫依沙上頭

扶病春亭

強梳稀髮着綸巾捨杖空行試病身
花間自欲裴徊立穉子牽衣不許人

贈童尼

舊時艷質如明玉今日空心是冷灰
料得昭王惆悵

極更無雲雨到陽臺

讀故友于君集

大底從頭總是悲就中偏愴築城詞依然想得初成
日寄出秋山與我時

病僧二首

竺國鄉程筭不回病中衣錫徧浮埃如今漢地諸經
本自過流沙遠背來
空林衰病臥多時白髮從成數寸絲西行却過流沙
日枕上寥寥心獨知

右軍墨池

永嘉人事盡歸空逸少遺居蔓草中至今池水涵餘
墨猶共諸泉色不同

送僧歸山

楚俗翻花自送迎密人來往豈知情夜行獨自寒山
寺雪逕泠泠金錫聲

題源分竹亭

繞屋扶踈千萬竿年人相誘獨行看日光不透煙常
在先校諸家一月寒

山寺看櫻桃花題僧壁

楚寺春風臘盡時含桃先坼一千枝老僧不語傍邊

坐花發人來總不知

傷清江上人

往年偏共仰師游
聞過流沙淚不休
此身豈得多時住
更着塵心起外愁

山寺看海榴花

琉璃地上紺宮前
發翠凝紅幾十年
夜久月明人去盡
火光霞燄遞相燃

贈成鍊師四首

花冠葉帔色嬋娟
一曲清簫凌紫煙
不知今日重來意
更住人間幾百年

黃昏騎得下天龍
巡遍茅山數十峰
採芝却到蓬萊上
花裏猶殘碧玉鐘

等閒何處得靈方
丹臉雲鬟日月長
大羅過却三千歲
更向人間魅阮郎

曾隨阿母漢宮齋
鳳駕龍輶列御堦
當時白燕無尋處
今日雲鬟見玉釵

上巳日陪襄陽李尚書宴光風亭

碧池萍嫩柳垂波
綺席絲鑪舞翠娥
爲報會稽亭上客
永和應不勝元和

奉酬

閨餘春早景沉沉
襖飲風亭恣賞心
紅袖青娥留永夕
漢陰寧肯羨山陰

病中客散復言懷

華髮離披臥滿頭
暗蟲衰草入鄉愁
枕前人去空庭暮
又見芭蕉白露秋

處州月夜穆中丞席和主人

羌竹繁弦銀燭紅
月光初出柳城東
忽見隱侯裁一詠
還須書向郡樓中

尋花

遊春未足春將度
訪紫尋紅少在家
借問流鶯與飛

蝶更知何處有幽花

贈陳長史妓

本內宮人

寶鈿雲和玉禁僊
深含媚靨裏朱弦
春風不怕君王恨
引出幽花落外邊

題王況故居

入巷蕭條起悲緒
兒女猶居舊貧處
塵滿空牀屋見天
獨作驢鳴一聲去

偶題

遲日新粧遊冶娘
盈盈綵艇白蓮塘
掬水遠濕岸邊郎
紅綃縷中玉釧光

勸柳論

孀妻棲戶仍無嗣欲訪孤墳誰引至
裴回無處展哀情惟有衣襟知下淚

夜入簡子古城

遠火熒熒聚寒鬼綠燄欲銷還復起
夜深風雪古城空行客衣襟汗如水

桂江中題香頂臺

岩岩香積凌空翠天上名花落幽地
老僧相對竟無言山鳥却呼諸佛字

僧簷前獨竹詠

園石田中寄孤本亭亭不住凌虛引
欲以袈裟拂着來一邊碧玉無輕

送人隨姊夫任雲安令

閒逐維私向武城北風青雀片時行
孤帆瞥過荊州岸認得瞿塘急浪聲

山中喜崔補闕見尋

鹿袖青藜鼠耳巾潛夫豈解拜朝臣
白屋藜牀還共入山妻老大不羞人

偶題二首

金榜榮名俱失盡病身爲庶更投醜
春娥慢笑無愁

色別向人家舞柘枝
得罪除名謫海頭驚心無暇與身愁中使不知何處
住家書莫寄向春州

嘉興社日

消渴天涯寄病身臨邛知我是何人今年社日分餘
肉不值陳平又不均

席上贈李尹

偃僂山夫髮似絲松間石上坐多時瓢飲不曾看酒
肆世人空笑亦何爲

弼公院問病

一頭細髮兩分絲臥見芭蕉白露滋欲令居士身無
病直待衆生苦盡時

惜花

年少共憐含露色老人偏惜委塵紅如何遂得心中
事每要花時不厭風

代胡僧留別

此地緣疎語未通歸時老病去無窮定知不徹南天
竺死在條支陰磧中

桂江逢王使君旅襯歸

故人丹旆出南威少婦隨喪哭漸歸遙想北原新壠

上日寒光淺水松稀

林

...

...

...

...

...

...

...

萬首唐人絕句卷第七十五

...



